

中國歷史地理文獻輯刊

輯佚類地理文獻集成

第七編

四

上海交通大學出版社

新華書店
PDF

中國歷史地理文獻輯刊

輯佚類地理文獻集成

第七編

四

上海交通大學出版社



輯佚類地理文獻集成

本冊目錄

輯佚類地理文獻集成(四)

雜志之屬·廣西卷	一
雜志之屬·四川卷	七十一
雜志之屬·雲南卷	一六四
雜志之屬·合志卷	一七六
專志之屬·宮殿卷	一八三
專志之屬·園亭卷	二六六
專志之屬·佛寺卷	三〇三
專志之屬·祠墓卷	三五九
山水之屬·山類卷	三六三
山水之屬·水類卷	四三八
游記之屬·紀勝類卷	五〇五

游記之屬·紀行類卷

五五四

游記之屬·紀行類元代卷

六三一

中外雜紀之屬·總志卷

六五一

中外雜紀之屬·亞洲卷

七二八

雜志之屬·廣西卷

(唐)莫休符 撰

桂林風土記

民國九年上海涵芬樓影印學海類編本

桂林風土記

序

一

輯佚類地理
文獻集成

桂林風土記序

前賢撰述有事必書故有三國志荆楚歲時記湘中記
奉天記惟桂林事迹闕然無聞休符因退居粗錄見聞
曰桂林風土記聊以爲敘時唐光化二年九月二十三
日莫休符序

桂林風土記目錄

桂林

舜祠

雙女冢

伏波廟

東觀

越亭

巖光寺

訾家洲

漓山

堯山廟

東山亭

碧潯亭

拜表亭

灰城

獨秀峰

歐陽都護冢

桂林風土記

目錄

一

中國歷史地理
文獻輯刊

海陽山

會仙里

隱仙亭

靈渠

甘巖

張天師道陵宅

牂牁水

如錦潭

仙人山

遷駑坊府郭

菩提寺道林和尚

開元寺霍井

延齡寺聖像

宣州龍開江事

徐氏還魂

石氏燈檠祟

米蘭美績

李給事長歌

宋顏延之

李襲志

衛國公李靖

中書令褚遂良

中書令張九齡

桂州陳郁督

表恕已

張鷟

桂林風土記

目錄

二

輯佚類地理
文獻集成

桂林風土記

唐

莫休符

撰

桂林

按地里志桂州禹貢荊州之域春秋時越七國時服於楚秦始皇二十三年發逋亡古者未有年號至漢武帝方紀年名故云始皇

二十三年賈人掠取陸梁之地為桂林吳時文士薛宗言昔

帝舜南巡蒼梧秦置桂林南海象郡南越志漢武改為

鬱林郡以桂林為縣吳書孫皓鳳凰三年分鬱林象郡

為桂林又按圖經云吳甘露年號分鬱林象郡為桂林

桂林風土記

一

中國歷史地理
文獻輯刊

今以魏書證之甘露乃高貴卿公曹髦所記年號非吳

書也古有名人張衡詩云我所思兮在桂林欲往從之

湘水深是則桂林為郡久矣漢祖命周電擊南越南越

王趙佗據險為城電不能喻今靈川全義嶺有越城漢

紀有周電為泗水侯是呂后時非高祖也地里誌云周

電未知其詳

按史記南越傳高后遣將軍隆慮侯竇往擊之

舜祠

舜祠在虞山之下有澄潭號皇潭古老相承言舜南巡曾游此潭今每遇歲旱張旗震鼓請雨多應中有大魚

遇洪水泛下至府東門河際有亭容巨舫往往載起然終不爲人之害舊傳舜葬蒼梧邱在道州江華縣九疑山也

雙女冢

在府城北十里俗傳舜妃尋常卒而葬于此冢高十餘丈周迴二里餘

伏波廟

伏波廟在郭中之東北二里是東漢伏波將軍馬援之祠也

桂林風土記

二

輯伏類地理
文獻集成

東觀

觀在府郭三里隔長河其東南皆崇山巨壑綠竹青松崆峒幽奇登臨險隘不可名狀有石門似公府之狀而隘彙燭行五十步有洞穴坦平如毬場可容千百人如此者八九所約略相似皆有清泉淥水乳液葩漿怪石嵌空龍盤虎踞引燭緣涉竟日而還終莫能際相傳云昔有人好泉石多束花果裹糧深涉而行還計其所行已及東河之下如聞棹櫂濡濡之聲在其上又有山外高峰舊有亭臺近已摧壞前政張侍郎名固大中年重

陽節宴於此從事盧順之贈固詩曰渡江旌旆動魚龍令節開筵上碧峰翡翠巢低巖桂小茱萸房溼露香濃白雲郊外無塵事黃菊筵中盡醉容好是謝公高興處夕陽歸騎出疏松張侍郎和詩曰亂山青翠郡城東爽節憑高一望通交友會時絲管合羽觴飛處笑言同金英耀彩晴雲外玉樹凝霜暮雨中高詠已勞潘岳思醉歎慚道自車公咸通年前政張大夫重遊東觀詩曰巖岫碧潺湲靈蹤若可攀樓臺烟靄外松竹翠微閒玉液寒深洞秋光秀遠山憑君指歸路何處是人寰

桂林風土記

三

中國歷史地理
文獻輯刊

越亭

在府城北與聖壽寺接連有巖洞庭臺高峰聳碧山穴透出北面因名北牖洞遠眺長江極目烟水北人至此多整鄉思會昌初前使元常侍名晦搜達金貂翺翔翰林揚歷臺省性好巖沼時恣盤游建大八角亭寫其真院砌臺釣榭石室蓮枕流杯亭花藥院時爲絕景于時路寇初平四郊無壘公私宴聚較勝爭先美節良辰尋芳選勝管絃車馬閭隘路隅金貂從此府除浙東畱趙曰紫泥遠自金鑾降朱旆翻馳鏡水頭陶令風光偏畏

夜子半衰鬢暗驚秋西鄰月色何時見南國春光豈再
游莫遣豔歌催客醉不堪回首翠娥愁別車路單與金
貂同年及第和詩一首謝安致理逾三載黃霸清聲徹
九重猶輟珮環歸鳳闕且將仁政到稽峰林閒立馬羅
千騎池上開筵醉一鐘共喜甘棠有新詠獨慚霜鬢又
攀龍越亭初成金貂有六十韻長詩曰乏才叨入使徇
祿非三顧北闕頒詔條東鄰證迷悞未聞述職效已見
脫煩趣灝氣爽衣巾風颺輕杖屨

巖光亭

其餘不省記

桂林風土記

四 輯佚類地理
文獻集成

在北羅門外亭嚴洞亞於越亭亦是元常侍新置有
石碁局欄柯石嶂金貂有五十韻詩云石靜如開鏡山
高若聳蓮筍竿抽玉管花蔓綴金鈿

餘不省記

訾家洲

在子城東南百餘步長河中先是訾家所居因以名焉
洲每經大水不曾淹浸相承言其浮也元和中裴大夫
名行立四子歸之歸仁歸

歸歸禮庶因獲朝溪也 舫造亭宇種植花木迄今繁

盛東風融和眾卉爭妍有大儒柳宗元員外撰碑千餘
言猶在前汴州楊尚書宴游題詩云桂林雲物畫漫漫

雨裏花開雨裏殘惟有今朝好風景櫻桃含笑柳眉攢
新政從事陸宏休詩云新春榮綻訾家洲信是南方最
勝游酒滿百分殊不怕人添一歲更堪愁鶯聲暗逐歌
聲豔花態還隨舞態羞莫惜今朝同酩酊任他龜鶴與
蜉蝣

漓山

在訾家洲西一名沈水山以其山在水中遂名之古老
相傳龍朔中曾降天使投龍于此今每歲旱請雨潭中
多有應前政元常侍以其名與昭應驪山音同故遂改
爲儀山近歲于此置溫靈廟廟中時產青蛇號爲龍駒
翠色或緣人頭頂手中終無患害

堯山廟

在府之東北隔大江與舜祠相望遂名堯山山有廟絕
靈四時公私饗奠不絕北接湖山連亘千餘里天將降
雨則雲霧四起逡巡風雨互至每歲農耕候雨輒以堯
山雲卜期

東山亭

府之東門有大亭枕江與望月樓接連近子城建豎多

桂林風土記

五 中國歷史地理
文獻輯刊

年不記歲月

碧潯亭 去思館是

亭館大初中前韋舍人瓊勣造在子城東北隅十餘步接近逍遙樓角近大江館宇宏麗制作精緻高下敞豁冠諸亭院去思館舊名青桂館前政吏部張侍郎驚除替飾裝於此遂改爲去思館韋舍人年十九入闕選進士舉二十一進士狀頭榜下除左拾遺於時名重縉紳指期直上馬相爲長安令二十八度候謁不蒙一見後任廉察桂林纔半歲而馬相執大政尋追懷舊事非時

桂林風土記

六 輯佚類地理
文獻集成

除賓客分司悵望畱詩於碧潯亭曰半年領郡固無勞一日爲心素所操輪奐未成繩墨在規模已壯閼閼高理人雖切才長短薄宦都緣命不遭從此歸耕洛川上大干江路任風濤

拜表亭

北接碧潯南連望月東甫長河西鄰雉堞前政山北盧尚書匡漆建置

夾城

從子城西北角二百步此上抵伏波山緣江南下抵子

城逍遙樓周迴六七里光啓年中前政陳太保可環勣造三分之二是諸營展力日役萬人不時而就崇崇氣色殿若長城南北行旅皆集于此

獨秀峰

在郭中居子城正北百餘步高聳直上周回一里餘迴出郭中下有巖洞舊有宋朝名儒顏延之宅讀書亭後爲從事所居往往見靈精居者少甯前政張侍郎廢毀焉

歐陽都護冢

桂林風土記

七 中國歷史地理
文獻輯刊

府北郭松逕盡處有國初安南都護名普讚冢普讚靈川人其宅今爲聖壽寺有廟在寺之北下歿後殯于北郭時有識地勢者言葬所有天子氣由是官掘斷至夜又有陰兵墳平如舊既而再掘復平不已時有效役者人偶宿其所夜聞鬼兵相語曰能以青布運土投江則我等無能爲也及明主吏聞宿者言遂用青布輦運土投河竟免陰兵墳築今墳所掘處猶存有石人石柱皆在松楸百餘株近爲樵者斫伐無餘子孫自千數年湮沒無聞或云訾家洲因運此土流下成洲有歐陽牘

者詩絕句曰舊業分明桂水頭人閒業盡水空流春風日暮江頭立不及漁翁有釣舟

海陽山

在全義縣北及滴湘二水源也流至金義北三百步分
流北去作爲湘南下爲滴山下有廟前政陳太保奏錄
詔封廣潤侯

會仙里

南去府五十里舊有羣仙於此輜輶羽駕徧於碧空竟
日而去里人聚觀壯聞因名會仙里

桂林風土記

隱仙亭

八 輯佚類地理
文獻集成

本名盤龍岡在府西郭三里與延齡寺甫近寶曆年前
使李給事名渤開置亭臺種植花木有池沼巨巖水深
無際有景蓮洞白雀洞石盆大亭又慶雲亭在山頂朝
陽亭夕陽亭連理橋秉燭巡遊時見龍跡大如碗水有
靈魚龍腹四足人或誤擒風雨立至山河秀異皆入畫
圖作屏障爲信好之珍有從事皇甫湜吳武陵撰碑碣
二所給事徵起山中一表薦九賢皆居顯貴給事爲考
功郎宰相皆書下考以天子巡遊蹂禾稼無所獻替故

也除桂林有歎鳥詩曰三朝四黜倦遐征往復皆愁萬
里程爾解分飛卻回去我方從此向南行又題隱山詩
二首常嘆源泉去不回我今自去更難來欲知一一留
心處手種巖花次第開隨雲不厭蒼梧遠似鴈逢春又
北飛惟有隱山溪上月他時相望兩依依

靈渠

全義縣灘湘二水分流處相傳曰後漢伏波將軍馬援
開川濬濟水急曲折四牙用遏其節節斗門以駐其勢
有伏波廟在縣側又按後漢鄭宏奏交趾七郡貢錢從

桂林風土記

九 中國歷史地理
文獻輯刊

東泛海多沒溺請開桂嶺靈渠後御史史祿重開闢又
按前漢武帝元鼎五年命伏波將軍路博德樓船將軍
楊僕戈船將軍嚴助擊南越呂嘉戈船出零陵下漓水
此則前漢嶺首已通舟楫明矣焉得至後漢馬援鄭宏
開靈渠於理未盡言馬鄭重修則可云創闢則於義有
乖休符駁

甘巖

在府南八十里大江傍其源出臨川縣界思磨山自水
下湧出巖方十餘丈大如屋室莫究其深淺盛暑到彼

凜冽

天師道陵宅

天師
在賀州道錄以爲元中大法師令以宅爲廟
廟中
異菓實有人食之無患唯不可採取必致禍
也

河水

在嶺
州門長河其源從牂牁流下八十餘丈本州圖
經所載

如錦潭

桂林風土記

十
輯佚類地理
文獻集成

廢部有如錦潭水深無際近歲有人伐潭邊巨木樹倒
入潭中逡巡沈沒莫知所在潭中時聞音樂如大角廣
筵移時而止

仙人山

象州武仙縣多有神仙聚集高山羽駕時見如建州武
夷山皆有仙人換骨函觀之跡

遷駕坊府郭

遷駕坊本名阜財在市西門因曹鄴中丞進士及第前
政令狐大夫改爲遷駕坊在府西門進賢坊長街因趙

觀文狀頭及第前陳太保改坊名

菩提寺道林和尚

往年中桂州人薛公元常供養一僧法號道林如是精
心供養十有餘年忽一日其僧辭去云貧道歸去撓濱
多年更無可酬今只有舊轉經一函且寄宅中如至周
歲不同即可開轉讀如此經一歲開鎖有金滿函可數
千兩後賣一半買地造菩提寺并建道林真身供養今
儀像見存薛今見有孫禹賓在桂林効職

開元寺震井

桂林風土記

十一
中國歷史地理
文獻輯刊

隋曰緣化寺後因紗燈延火燒燬重建元宗朝改名開
元寺有前使褚公親筆寫金剛經碑在舍利塔前西有
觀音寺井貞元中有李氏因左遷寓居僧院屬暑月以
食餘熟羊脾懸井中逡巡雷震暴作羊肉置於隙地而
烟氣薰灼犬不食蟻不附至今僧俗眾言井有龍至云
愚以理裁有異於此夫龍嗜血食肉重牢醴人有享祭
必選良肉醇酒潔饌珍羞然後精禮甯有一羊脾而迅
雷震之者蓋以伽藍井中奉獻諸佛眾僧而遽以肉味
羶汚神祈之所是以不容乃致雷擊去理必然矣其井

終亦塌壞先令狐相從事當府因撰震井記然以羊微
事曾未移時天鑑已知則人之善惡或愈於此又豈殲
遺於陰報乎昔董卓縱暴爲呂布殺而曝屍其亭後有
故吏收其灰以小棺殯於郡城又遭風雨漂流失其所
在楊國忠以貴妃因椒房承寵綰三十二使印綬天寶
十三載二月拜司空冊命之日天雨土霑朝服未幾族
滅於馬嵬關西楊氏遠四知去三載歷千載而慶延子
孫則禍福無門唯人所召矣故孔明有言勿以惡小而
爲之勿以善小而不爲苟能佩服斯言以神祇爲證則

桂林風土記

十二 韓佚類地理
文獻集成

終身不居有過之地

延齡寺聖像

寺在府之西郭郊三里甫近隱山舊號西慶林寺武宗
廢毀宣宗再崇峰巒牙張雲木交映爲一府勝游之所
寺有古像徵於碑碣蓋廬舍那佛之所報身也此地元
本荆榛先無寺宇因大水漂流巨材至時有工人操斧
斤斫伐將欲下斫忽見一梵僧立在木傍有曰此木有
靈爾宜勿伐旣而罷去又有洗蔬者於其上則浮濯菹
辛於其上又沈雅契梵僧之言由是咸知有靈遂刻削

爲僧佛當則天后臨朝之日夢金人長一丈六尺乞袈
裟及詔大臣問其事皆莫能解旋奏陛下旣有此夢乞
依夢中造袈裟懸於國門以俟符驗明早大臣奏懸袈
裟忘收已失遂詔天下求之已在桂州盧舍那佛身至
今尊卑歸敬遐邇欽崇時旱請雨皆有響應如意

宣州龍開江事

桂之糜郡有宣州其河如桂州楊江水岸深斗形勢異
於眾水古老流側近岡上俄頃夫還妻以告之夫疑是
惡人尋至岡所求不見但見百牛旣夜乃還家至明遂

桂林風土記

十三 中國歷史地理
文獻輯刊

遇水漲流木蔽江合蒼梧耆老盡知之

徐氏還魂

昔西漢武帝有神通之異南朝有千寶述幽府冥祕之
言蘇泉崔韶亦紀靈怪牛丞相著三卷妖錄及徐氏還
魂皆鄙夫鄰居任咸通末莫非日驗方證不誣陽朔居
人蘇太元妻產三子徐已疾終旣殯忽一日還家但聞
語而不見形云其年命未終冥司不錄今且暫歸憐撫
其子補綻其衣一切如在稍經旬月鄰伍旋知占卜吉
凶述善惡一一符驗有鄉人在府充職染疾其家眷屬

請卜之俄頃刻云去至涼風館南地名柘木林遇虎當道不敢過遂卻回卜者情迫堅請再往俄頃曰至府見疾者已瘥疑其不實遂問其所居部曲疾人形貌徐氏不曾至府又未識病者一一言之無差異方明其實又有求人卜了謝曰無物奉酬深為不足徐氏曰汝家有三斗粟子在西房何得稱為無卜者請取之遂巡負粟子至其前眾皆愕然卜者尤所慚恥如此不一難備書述一日言舜帝差人討蠻有人求至近驛助備熟食更一兩日當還如期而歸將得冥司一分細飲致夫前曰

桂林風土記

十四 輯佚類地理
文獻集成

此飯曷若人閒造者大視之品饌則倍珍於施食又一旦泣告曰無端洩陰閒事獲罪蒙遣追此去難再還好看兒女又泣別遂絕音響太元尚在

石氏射樟木燈檠祟

開成中桂林禪將石從武居任子城西壕側從武早習弓矢忽一年家內染患疾長幼罕有安者每至深夜常見一人從內出來體有光燄居常令疾者痛苦稍閒若此物至則呻吟聲加甚醫巫醮謝皆莫能効從武心疑精邪為祟至夜操弓挾箭映戶潛形候其來俄聞精復

至稍近遂發弓引滿一發中焉見被焰光星散而滅遂命燭而看視之乃是家中舊使樟木燈檠中箭而倒乃劈為齏粉焚爇為灰送長河於是家人患者皆愈大中年前政張侍郎名文規三代台相之家 嘉貞宏靖延賞廉察桂林從武時職司通引他聞此事曾召問具以實對乃為石氏射燈檠傳從武子勛在職近方去世孫清諧嗣亦効卑職得金貂傳聞

米蘭美績

長慶中前政李給事名渤字濬之自給事中除桂林奏

桂林風土記

十五 中國歷史地理
文獻輯刊

請名儒吳武陵為倅故事副車上任具囊韃通詩文數日於毬場致宴酒酣吳乃致詞云奉約同游山水奈何以紅帛繫子首仍命婦女於看棚聚觀相恥既彼我醜顏各爭意氣吳為臺盤坐褰衣蹕露以溺給事怒命衙士拉送衙司梟首時都押衙米蘭知其不可遂引而寢多遣人護衛給事扶歸寢堂夜半而覺聞家人聚哭甚悲驚而問焉乃曰昨聞設亭喧噪又聞命衙司斬副使不知其由憂及禍是以悲泣給事大驚亟命遞問之米蘭具啓昨雖奉嚴旨未敢承命副車猶寢在衙院無苦

給事達明早立至衙院卑詞引過上下俱自克責益相敬奉時未有監軍於是乃奏米蘭牧于象郡以酬勅下允從遂又以使衙儀衛送上本任

李給事長歌

李給事名渤爲太學博士喜長歌弟淑舟至歌曰前年別時秋九月白露爲霜金吹烈離鴻一別影初分淚袖雙揮心哽咽別來幾度得音書南岳知此下闕廬山峨

峨依天碧捧排空岸千萬尺社榜長題高士名食堂每

記雲山跡我本開雲此山住偶爲名利相索誤自負心

桂林風土記

十六

輟佚類地理
文獻集成

機四十年羞聞社客山中篇憂時魂夢憶歸路覺來疑在林中眠昨日亭前烏鵲喜果得今朝爾來此我吟行路五十篇盡說江南數千里自憐兄弟今五人共索儒素家尙貧雖然稟氣各不一就中摠免拘常倫長兄年少曾落拓拔劍沙場隨衛霍口裏雖譚周孔文懷中不舍孫吳略次兄一生能苦節夏聚流螢冬映雪非論惡疾志如霜更覺臨泉心似鐵第三之兄更奇異昂昂獨負青雲志下看金玉不如泥肯道王侯身可貴卻愁清逸不干時高蹤大器無人知倘逢感激許然諾必能萬

古語清規念爾年來方二十夙夜孜孜能獨立卷中華落星漢搖峒裏丹靈鬼神泣嗟余流浪心最狂十年學劍逢時康心中不解事拘束世閒談笑多相妨廣海青山殊未足逢著高樓還醉宿朝走安公櫪上駒暮偷陶令籬邊菊近來詩思殊無況苦被時流不相放雲騰浪走勢未衰雀膝蜂腰豈能障送爾爲文殊不識貴從一傳胸臆若到湖南見紫霄會須待我同攀陟

宋顏延之

宋顏延之字延年琅琊臨沂人曾祖舍父顯延之少孤

桂林風土記

十七

中國歷史地理
文獻輯刊

貧居附南郭空巷甚陋好讀書無不覽文章之美冠絕當時好飲酒不拘細行年三十尙未婚起家豫章公世子參軍累官祕書監宋太祖文皇帝諱義隆宋氏第三主昵愛僧惠琳常獨占一榻延之因醉白曰昔劉盆子尙同參軍乘輿袁絲正色曰此三公之座豈可以刑餘之人居之延之性方直言無所迴避居身清約不求財利布衣蔬食獨酌郊野與謝靈運以詞彩齊名而遲速相懸嘗敕俱入擬樂府上篇延之靈運立成而久而方就帝問其優劣于鮑昭昭曰謝五言如芙蓉初發自然

可愛顏詩鋪錦列繡彫績滿眼尋為始安郡經過潯陽日造淵明飲焉每遇一佳景必酣醉而還臨去畱錢二百萬與淵明悉送酒家及淵明卒延之為之誄以孝建三年卒年七十三贈特進自潘岳陸機之作文士莫及顏謝焉

李襲志

李襲志全州安康人也仕隋歷始安郡丞大業末江外盜賊尤多襲志散家財召得三千人以守郡城高祖受隋禪降璽書勞問編入屬籍授桂州總管前後任桂州

桂林風土記

十八

韓佚類地理
文獻集成

衛國公李靖

李靖字藥師雍州三原人也姿貌瓌偉有文武才略武德二年同趙郡王孝恭至江陵破蕭銑四十萬擒銑赴京承制度領至桂州分路招撫大首領馮盎李光庭等懷輯九十六州六十萬戶詔充嶺南道安撫大使檢校桂州大總管武德六年征輔公祐於江淮平之又領兵出塞屢顯大功拜右僕射平章事封衛國公薨年七十

九桂州子城自衛國公所製號曰始安郡城

中書令褚遂良

令公散騎常侍亮之子仕太宗啓沃聖心恢宏帝業歷官中書令高宗將廢王皇后立武昭儀為后令公受先皇寄托之重極諫以為不可由是忤旨貶潭州顯慶二年又貶桂州時李義府許敬宗傾巧曲佞附記皇后重貶令公愛州明年卒於貶所年六十二死後二年又追制官爵子孫並流愛州高宗崩遺詔復爵

中書令張九齡

桂林風土記

十九

中國歷史地理
文獻輯刊

張九齡一名博物韶州曲江人以文學進士及高第與趙冬曦齊名俄應制以明皇嗣位久在南郊上表抗論由是名價益重與燕國公張說同姓以詞學親洽時括田使宇文融于預朝政說惡之融所奏論多見抑挫不行融與臺丞連表訟說帝令說藉草辨對高力士密奏以說有大功于國不宜挫辱乃落下平章事坐家九齡連坐貶趙州又以家鄉不便乞換回近嶺南一處遂出江西俄轉桂州都督兼嶺南按察使薨是年六十八

桂州陳都督

國朝呂才博士博涉羣書該通叢藝爲太宗皇帝所知著陰陽吉凶地理要訣五十餘卷行于世今之婚姻占卜多用其言又別著駁陰陽數千言以爲行年家宅五行皆不可信愚以爲呂氏多才多學博古辨今不欲世人曉達陰陽輒恃年命罔知敬慎博士前知遂立斯言以節逾僭若合前史焉得稱無肯寧氏起宅相者云必出賢甥魏舒由是甚顯遇羊祜少時有占地者言墓合出天子祐惡而掘之占者云猶出折臂三公祜因墜馬折臂竟位三公陶侃微時種瓜有老人求瓜侃厚惠之

桂林風土記

二十

輯佚類地理
文獻集成

其人感此因指牛眠岡可貴侃用葬母位至太尉吳主孫氏家世富春葬於城東岡冢上常結五色慶雲齊主蕭道成先塋在武進縣其上結慶雲宋明帝命獵人以五尺鐵釘之又柱忽作龍吟驚震山谷皆福昆嗣略據所聞以爲證議陳思應本名聿修富州龍平人也少居鄉里以博學爲志開元中忽有異人求寄宿聿修觀其容止稍有異乃盡禮延之明日將告去謂聿修曰某久攻地理頗有十全一宿淹留厚蒙情禮思有所報遙見此洲上五里地形當富貴不可言用爲殯岡必福昆

嗣聿修忻然相感遂同詣其處視之客曰若葬此處可世世出郡守又指一處曰若用此處可世世爲都督聿修敬謝分袂而去居數載喪母親遂以所指都督處爲塋他日拜墳忽見其地產金筍甚眾默追宿客之言又覩金筍斯驗益以自負遂採而歸旣再至金筍又產三載服闕所獲多矣因攜入京以求遇素鮮知己茫然暗投見晦朔及弔慶公侯相府侍兒通傳有憩于民舍者聿修厚許其直求稅一褐爲之逆旅俄而節朔貴門侍者復至聿修悉以金筍銜其目果異而問焉頗亦敬奉

桂林風土記

二十一

中國歷史地理
文獻輯刊

粗蒙善遇因以金筍爲賂居數日又遣人覆檢聿修得以所業文詞經斷綴之金筍獻遺未幾朝貴咸聞或有引遠者又以文業干之凡諸要地盡知其名稱得歧路進取益切於時有同姓名思應者亦以昭穆情昵乃以前任告牒相遺因易名干執政遂特除桂州都督今府署大廳廳壁記且列名氏亦有子孫職於本郡故鄙諺有云良宅吉冢緣者遇之信然矣

表恕己

恕己滄州東光人也長安中爲刑部少卿與張柬之崔

元偉敬暉桓彥範等五王建議時則天不豫張易之與弟昌宗入內侍疾將圖不軌恕己等與左羽林將軍李多祚率兵五百人就宮中斬易之昌宗梟首天津橋廢則天迎中宗卽位重興大唐社稷功格天地武三思用張計潛與中宗韋后私通帝雅信后言計無不成行意流貶五王於嶺南尋發僞旨使周利正盡殺之恕己流懷州利正逼令服野葛汁不死以手爬地取土而食介甲皆盡至骨乃擊殺之睿宗誅韋后方雪其冤恕己孫高貞元中歷給事中謬雅傳家法憲宗制追贈左丞

桂林風土記

二十二

韓佚類地理
文獻集成

高父建官至太府卿

張鷟

張鷟字文成深川陸渾人也後趙右侯賓之裔鷟少聰敏過人其祖齊工文學以當時儒士多稱鷟之才莫不嘆異因曰我孫爲人所知如天以鷟鷟爲鳳凰之佐五色成文因名鷟字文成弱冠應舉下筆成章中書侍郎薛元超特授襄陽尉遷監察御史司門員外開元中姚元崇爲相誣其奉使江南受遺賜死其子上表請代父死黃門侍郎張廷珪刑部尙書李白等連表稱冤遂減

死流嶺南數年起爲龔州長史卒年七十三文成凡七舉四參選皆中甲科正諫大夫員半千謂人曰張子之文如青銅錢萬揀萬中時號青銅錢學士久視中太官令馬仙童陷突厥中默啜問曰文成何在此人何不足用又新羅日本國前後遣使入貢多求文成文集歸本國其爲聲名遠播如此著雕龍策帝王龜鏡朝野僉載二百卷文武成以五爲縣尉因著才命論以適志盛行於世有李季孫者注才命論言是燕公詞蓋不覽唐史率意紀文大惑時人一向紕繆

休符駁議

桂林風土記

二十三

中國歷史地理
文獻輯刊